

2013.10.259


139

11-4

3-7-2

2013.10.17

139



白  
金  
廳  
志

卷  
首  
貳

百色廳志

光緒十七年歲次

辛卯夏四月校刊

百色志序

天下郡邑之有志乘所以攷古證今從治警暴也百色設同知一官久矣顧無志何蓋百色隸思恩郡實土田州岑氏世官其地越雍正己酉年以郡同知移駐聽訟而已守土不與也咸豐之季岑氏爭襲職日尋干戈積十餘載驅生民以罹鋒鏑幾無孑遺上官憫焉始議創襲以土地人民專屬流官改直隸同知益分土設屬縣恩隆一其交錯鎮安境者割裨奉議厥後陽萬土州判復還並改流官代之同屬百色光緒五年七月余承乏奉檄調慮無以善其後思所以模範規制率循勿愆而

百色廳志序

土習禁詩書以愚民文不足徵攷古未能也民秉椎魯獻不足徵證今未能也其官土司有宋迄今稱職者或數見然率安苟簡而郡同知第聽訟不克有爲欲從治而可從亦僅焉土司恃世職蔑視其民析泗城改鎮安累操同室戈爲暴甚矣顧後世警不必是而是亦足借警者官斯土而於斯土之古今盛衰逮夫山川風土民物或盲焉奚以可是百色之宜有志誠亟矣然撫實無具鑿空何文宜有而虛所有果何術以致之思之思之天必與之幸有小覽華觀察之居賓師也小覽游粵久於粵西掌故無不通於田陽改流尤習聞終始請以操



厥從而小覽欣然許之於是搜討舊聞分司彙事以取  
空以發翰亦按籍以徵詞如佛氏之示大乘法使經後  
臺如大賈之善有無居網羅島瀛體例明備斷無營  
其所以博引繁稱俾窮僻士得心飫夫文物典章猶未  
也其於借資前哲開示來茲有實得於治道之隆好徒  
事於記載之末措心固大有在矣後有解人益裨何算  
是名志而不必作志觀也亦正不必不作志觀也合廳  
縣州爲一志以地悉土田州志姑不必分也採問無多  
亦無可分志也始事於光緒七年春逾歲稿脫余適以  
報滿入

百色廳志

序

二

再逾歲而始得卒讀自維碌碌以志成而得附詞簡端  
幸矣亦甚慚矣是爲序

光緒十四年秋九月廣西鎮安府知府前百色直隸同  
知會稽陳如金撰

百色郡丞會稽陳使君既蒞治之明年寓書招余客其  
署相與商榷時政討尋故事予固勉爲之初未嘗以能  
自任也既而又有纂修廳志之請予以不文辭未浹歲  
會廉訪使者承宣使者相繼下車徵各屬所爲志君謂  
予曰是殆不可緩已子毋固辭予曰志爲史家之一體  
昔劉知幾謂史有三長惟才學識予少失學長事簿書  
中更戎馬老而無聞尙何才識之足道顧念此邦文獻  
非盡無徵采輯成編名修實創於以副大吏之求而備  
史官之採非干載一時乎雖有不足不敢不勉君旣欣  
然誼吉於壬午春開局廳城城鄉及漢土各屬並設採

百色廳志

序

訪局分其勞卽所以覈其實也於是發凡起例冠以圖  
說中列四綱一輿地凡沿革疆域山川都里水利古蹟  
氣候風俗物產附焉爲目九二建置凡城池公署學校  
壇廟梁津墟市附焉爲目六三經政凡戶役田賦權稅  
祿餉積儲鹽法學制兵制祀典附焉爲目九四人物凡  
宦績職官選舉仕進忠義節婦耆壽附焉爲目七而尾  
之以補錄不分目若夫天文分野之說理涉荒渺姑任  
闕如而藝科上第來者是期藝文乃名士之風華邊徼  
罕專門之表見則皆無從著錄焉就正有道僉以爲韙  
閏六月而書成使君將以報滿受代梓而上之當道使

君既序其前本松樂觀厥成敬識其後曰百色初無志  
也有之自雍正己酉始百色初無志也有之自雍正  
亥始百色初無志也有之自光緒乙亥始百色初無志  
也有之自光緒壬午始夫以設官所移置責其承管而  
州六土司並遷右江鎮軍駐其地建城列其地食交貢  
其任亦云重矣及後田州改流陽高改流別其地十之  
三畀百色而別設恩隆縣恩陽州判以屬之升百色爲  
直隸廳兼領上林土縣下旺巡檢舉凡考察羣吏惠保  
民生其職與郡太守等

朝廷重其選制爲苗疆衝要三年報最優予遷擢使君既

百色廳志

序

二

除此官卽創爲斯志比當考績之日適睹志事之成昔  
人有言莫爲之前雖美弗彰莫爲之後雖盛弗傳遭際  
如君豈非僅見予忝與編纂自慚謏陋而嚴定義例去  
僞存真刪繁就簡竊有力焉於戲百色之先惟跣錯處  
大都樸野悃悃愚魯之習或不免貽譏於君子我

朝廷涵濡日深學教所迄久已進于鄒魯使君講求作育  
文物丕變卽楓陬茅麓鏗環皆絃誦聲上之化下疾於  
風草冒其然乎此則予自擊其益而志所未及載者安  
得後之來者有以補之夫以君之經濟施於土地風  
曠矣保此人民民不困矣振而政事政不廢矣

文章猶其餘事何待贅言君今以報最去行將述職京師倘藉手以獻

廟堂其大有爲於時可知也予不敏珥筆從使君後亦得廁名簡末附驥以傳願不幸與

光緒八年壬午秋八月全慶華本松撰

百色廳志

序

二

志之爲言識也凡地方山川風俗民生政教有詳之類  
古證今前事之式後事之師也然則志之所繫顧不重  
哉而邊疆郡縣需志尤重且亟嘉慶中謝蘊山中丞修  
廣西通志仿景定建康志例編輿一表四畧十錄二傳  
八爲二百餘年官書創體阮文達廣東通志亦仍效之  
識者謂以志而冒史體不無譏焉志之善者有康對山  
武功志韓邦靖朝邑志顧朝邑志止有七篇武功志亦  
不踰二卷蓋不惟其繁惟其簡不惟其虛惟其實俾後  
人有所稽以證焉已耳百色地本苗疆雍正己酉因控

百色廳志

序

制土司始移置思恩郡丞於此光緒乙亥田陽改土歸  
流復奏改爲直隸同知敬頤以光緒乙酉冬補授斯職  
既下車覽其山川詢其風俗訪其民生政教嘆其屢困  
兵燹而地多凋劫也亟思有以拯治之然舊無志乘每  
有措施鮮所憑依根據莫從攷鏡得失聞會稽陳礪莊  
太守曩官斯土曾聘華小覽觀察創而輯之敬頤蒞官  
在太守後宦轍所經又與太守恆左未得取讀而廳人  
士述太守之德政嘖嘖不去諸口心益向往之承乏於  
茲在再三載深愧無所樹立以繼太守美惟廳城文廟  
即本太守之欽竟者而竟之擬征荒糧則本太守之欲

免者請於當事而免之所以養士治民一以太守爲師  
法己丑秋報滿回省越明年太守亦歸自鎮安急索志  
稿見示細加披覽見其簡而能賅實而不泛前日措諸  
手而或茫如者今日寓諸目而悉瞭如矣因歎小覽觀  
察之稽考典核而益服太守之規畫精審也粵西自法  
越構兵而後邊防日嚴田陽一域界在西陲外捍交南  
內屏各郡明盧蘇反兩江皆震迨王文成總制集四省  
之兵力僅乃就降今日而欲專意防務弭外患而消內  
憂官斯土者正未可因陋就簡無所挾持以治之也是  
斯志之繫詎不重斯志之作詎不難而所以創斯志之  
百色廳志

序

二

功詎不偉歟因與太守約授之梓人並將士之績列膠  
庠者增名於後且力任是役以貽世之有心時務者時  
光緒十有七年辛卯四月旣望道員用潯州府知府前百  
色直隸廳同知新建夏敬頤謹序

百色廳志卷首

銜名

主修

三品銜鎮安府知府前百色直隸廳同知陳如金

協修

升用同知准補雒容縣知縣署理恩隆縣知縣呂汝棠

俸清南丹土州州同調署恩陽理苗州判杜鳳保

協理上林縣土知縣黃金鐸

署理下旺司土巡檢韋成林

編纂

百色廳志卷首

二品頂戴鹽運使銜保留廣西補用道華本松

採訪

委用訓導署理百色直隸廳學正陽久照

恩隆縣訓導李驥元

百色廳學生何紹光

恩隆縣學生員余德輝

監理

儘先補用都司黃宏陞

儘先補用守備李獻吉

選用府經歷楊本檀

獎用訓導 盧大韶

校對

永康州學廩生 楊杰

恩隆縣學生員 余梯雲

宣化縣文童 蘇卓然

繪圖

選用府經歷 楊本檀

百色廳志卷首

目錄

卷一

圖說

卷二輿地

沿革

疆域

山川

都里

卷三輿地

百色廳志卷首

水利

古蹟

氣候

風俗

物產

卷四建置

城池

公署

學校

壇廟

津梁

墟市

卷五經政

戶役

田賦

權稅

祿餉

積貯

鹽法

學制

百邑廳志

卷首

兵制

祀典

卷六人物

宦蹟

職官

卷七人物

選舉

仕進

忠義

節孝

耆壽

卷八


補錄

巨邑廳志

卷首

五





百色廳志 總圖

百色廳總圖說

廳東界南甯之果化土州西界廣南之土富州南界鎮  
 安之天保縣北界泗城之凌雲縣毘連諸郡遠達滇黔  
 道路紛歧周圍幾及千里無長江大河之險當深山窮  
 谷之衝漢土雜居犛獠錯處其東南北又與白山鳳山  
 兩土司境地相接分屬思慶層巒疊嶂箐密林深往往  
 數十里無居人藏姦逋寇時出爲害防範最宜加意至  
 若山多於地水少於田則四封皆然農民三時力作恒  
 苦不足欲謀生計尤當講求陂塘之利也

